

**Uunga siunnersuut: UPA 2019/208 – Tarnimikkut napparsimasunik
nammineersinnaajunnaarsitsisarneq allatigullu pinngitsaaliissummik iliuuseqartarneq
pillugit Inatsisartut Inatsisaat nr. xx, xx. xxx 2019-imeersoq**
(Peqqissutsimut Isumaginninnermut Inatsisinullu Atuutsitsinermut Naalakkersuisoq)

Saqqummiussissut

(Peqqissutsimut Isumaginninnermut Inatsisinullu Atuutsitsinermut Naalakkersuisoq)

Siullermeerneqarnera

Naalakkersuisut sinnerlugin manna tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuuseqartarneq pillugit Inatsisartut Inatsissaattut siunnersuut saqqummiutissavara.

Tarnimigut nappaatillip nammineersinnaajunnaarsitaanermut allatigullu pinngitsaaliissummik iliuuseqarfingeqarnermut atatillugu, inatsisitigut inissisimanerata nukittorsarneqarnissaa, Inatsisisatut siunnersuummi saqqummiunneqartumi siunertaavoq. Inatsisisatut siunnersuummi tarnimigut nappaatillip sapinngisaq tamaat katsorsartinnermut imminullu tunngasunut allanut peqataatinneqarnissaa sunniuteqarnissaalu qulakkeerneqassaaq. Napparsimavimmum / peqqinnissaqarfiup immikkoortuanut unitsitaanermut-, uninnganermut- katsorsartinnermullu atatillugu pinngitsaaliinikkut iliuuseqarnissamut piumasaqaatit sukannerulerunerannik ersarinnerulerunerannillu, Inatsisisatut siunnersuut nassataqassaaq.

Peqqinnissaqarfimmi tarnimikkut nappaatilinnik katsorsaaniarnermi, peqqinnissamik sullisisut ikiuilluarsinnaaqqullugit, pisuni ataasiakkaani katsorsaanermut atatillugu pinngitsaaliissummik iliuuseqartoqartariaqartarpoq, ilaannilu- napparsimasoq nappaamminik paasisimaninngippat- pinngitsaaliissummik unitsitsisoqartariaqarsinnaasarluni.

Napparsimasup nammineersinnaassusaanut ataqqinninneq, nappaamminik peruluutillit katsorsartinnissamik pisariaqartitsisut nappaateqarnerminnilli paasisimanninngitsut, sumigin-nagaanerannik kinguneqanngisaannassaaq. Pisariaqarpat pinngitsaaliissummik unitsitaanikkut, nammineq saaffiginnissutigisinnaanngisamik naammaginartumik katsorsartinnissamut tungiorneqarnissamullu inatsisisatut siunnersuut, tarnimikkut nappaatilinnut pineqartunut periarfissiinngippat, tamanna sumiginnaanertut isigisariaqarpoq. Pinngitsaaliinerli inuup nammineersinnaassusaanut innarliinerummat, inatsisitigut illersugaaneq eqqarsaatigalugu aala-jangiinermi tunngaviit piumasaqaatillu ersarissarluakkat naapertorlugit pinngitsaaliisoqartarnissaanik qulakkeerinninnissarput pingaaruteqarpoq. Pinngitsaaliissummik iliuuseqarnerup inatsisitigut illersorneqarsinnaanerata kiisalu ikuullunilu tapersersuisumik illersusoqartinneqarnerup naliliivigineqartuarnissaa pingaaruteqarportaaq. Tarnimigut nappaatillip pinngitsaaliissummillu iliuuseqarfingeqartup, katsorsartinnerata isumannaatsumik ingerlan-neqarnissaanut inatsisitigut sakkortuunik qularnaveeqqusigaanissaa, taamaasiornitsigut qulakkiissavarput.

Tarnimikkut napparsimasut pillugit inatsiseqarneq Tarnimikkut nappaatilinnik nammineersin-naajunnaarsitaaneq allatigullu pinngitsaaliissummik iliuuseqarneq pillugu Inatsisartut Inatsisaata allanngortinnea pillugu Inatsisartut inatsisaat nr. 12, 3. juni 2015-imeersumit iluamik iluarsartuunneqarpoq. Siunnersuut manna misilittagaalersut allanngortitariaqartullu katersorpaat ilaatigut Inatsisartut ombudsmandiat aamma Folketingip § 71 tilsyn pissutigalugu.

Siunnersuummi tarnimikkut napparsimasut pillugit inatsimmi atuuttumi tunngaviusut ingerlateqqinneqarput, kisianni aammattaaq allannguutinik arlaqartunik ilaqlutik.

Siunnersuummi periarfissaliissut pisariaqartoq pilersinneqarpoq, tassa nakorsat allat Dronning Ingridip Napparsimavissuani tarnikkut nappaatilinnut immikkoortortaqarfianni nakorsaaneq peqanngitsillugu pisuni arlalinni tarnimikkut napparsimasut pillugit inatsit naapertorlugu aalajangiisinhaapput, taakkua tamatuma kingornatigut nakorsaanermit akuersissutigineqartus-sanngortillugit.

Tamatuma saniatigut siunnersuummi ilaavoq pinngitsaaliissummik nakorsaatitortitsinermi nakorsaatip toqqarneqartup sunniutaata saniatigut allamik sunniuteqarneranut qanoq naleqqius-sinissamut erseqqissaat.

Taamatuttaaq oqaaseqatigiinnik aaqqissuussisoqarpoq aamma naleqqussaasoqarluni tamatumi siunertarineqarluni inatsisip imarisaanik erseqqissaaneq aamma paasiuminarsaaneq.

Taamatut oqaaseqarlunga siunnersuut Inatsisartuni suliassanngortillugu ingerlateqqippa.